

АПРЕЛЬТЬ

5-це шистонза 1941 кизоня
38 (1834)

ПИТНЕЦ 10 тр.



Комсомолю Вайгяль

ВЛКСМ-нь мордовский обкомть и саранскийнь горкомть газетасна

ЛИСЕНДИ

9-це КИЗОСЬ

Адресь: г. Саранск,
Советская ул., Дом печати.

Организованная йотафтомс гимнастический соревнованиятненъ

Якстерь Армиять 23-це годовщинац лемса лыжной комсомольский кроссь путсь ушеткс комсомолецнень и од ломаттнень военной и физкультурной воспитанияснень коряс работать вишкотеманцты. Кросса лама тэжяты юноша и стирня няф-тезь эсь выносливостьснень, мужествоснень, эсь анокшиснень штоба арамс социалистический родинаць священнай границанзон аралама.

Тяниень пингть военно-физкультурной работать коряс комсомольский организациятненъ инголе ащи ответственный задача. Ванды, апрельть 6-це шистонза, ушедыхть гимнастикать коряс комсомольский организациятненъ соревнованияснень.

Гимнастический соревнованиятненъ колга программать светс лисемадонза меле ётась ни ковшкада лама. Тя пингста, аф полнай даннайхненъ коряс, республикаса пуроптф 2.000 лама команда, конатненъ эса лувондови 20 тэжяньшка комсомолец и аф союзнай од ломань. Ня командатненъ ламошкасна, анокламок соревнованиятненъ, регулярнайста ётаф-незь тренировочнай занятиятненъ, тонадозь программаса азф упражнениятненъ и ванды демонстрировандасазь эсь ловкостьснень.

Саранск ошса кафта тэжяньшкада лама комсомолец регулярнайста ётафнестъ тренировочнай занятият. Ковылкинский районца 800-да лама комсомолец анокт соревнованиятненди.

Кочуровский районца аф кржа комсомольский организацият кярмодсть физкультурнай площадкань строямати, турниконь тиёмати. Но сембось тя не может удовлетворять минь.

Нинге сяда калдяв ся, што ВЛКСМ-нь кой-кона райкомтне

эсь беспечностьснень сюнеда мянь тичимс аф содасазь, кода не молись и моли тя важнейшай мероприятия анокла-мась. ВЛКСМ-нь Ардатовский и Ельниковский райкомтне нинге аф содасазь, мзяра комсомолец кармай участвондама соревнованиятненъ эса. ВЛКСМ-нь ня райкомтненъ работников Малоземов и Пригарин ялгатне соревнованиятненди калдявста анокламосн азондсазь сянь мархта, што районца аш физкультурнай инвентарь. Но юкстазь сянь, што эряволь эсь пингстонза кярмодемс инвентарень приобретения.

ВЛКСМ-нь эрь райкомсь и горкомсь должетт сатомс сянь, штоба сембе комсомолецнень уелыхть соревнованиянь участ-никовс и максолезь ба сембе упражнениятненъ. Кда комсомолецнень максасъ сембе упражнениятненъ коряс норматненъ, то ся организациясь занясы первенствать.

ВЛКСМ-нь райкомтне и горкомтне должетт составить эрь комсомольский организациять выступленияцты точнай график и тя графикть должен со-дасе соревнованиять ушемдон-за инголе комсомольский организациясь.

Апрельть 6-це шиц—ащи Ленинско-Сталинский комсомол-ти и сембе советский од ломат-тненди спортивной праздни-коке. Эрь комсомольский организацияти соревнованияснень пер-венствать инкса тюремась ащи оцю честекс.

Соревнованиятненъ успеш-найста ётафтомасна Ленинско-Сталинский комсомолть ширде родинаньконди ули первомай-ский, достойнай подаркакс.

Комсомолецнень и од ломаттне, демонстрировандастъ родинать инголе эсь мужествоснень, сонъ араламанцты эсь анок-шинтень—сембе, кода фкя примата участья гимнастичес-кий соревнованиятненъ эса!

Ловкостьнень демонстрация

Ванды минь районнь ком-сомолецнень, кода и сембе Ле-нинско-Сталинский комсомолец, няфтьсазь эсь ловкостьснень и мужествоснень. ВЛКСМ-нь рай-комсь гимнастический сорев-нованиятненъ ётафтомс наме-тил график, конань мархта знакомондафт сембе первичнай комсомольский организациятне.

Лама комсомольский органи-зацият соревнованиятненъ вась-фтезь сембе ширде аноклафста. Сянь тиезь семботь, мезе эряв-ксты соревнованиятненъ органи-зованнайста ётафтомаснон-ды, кемокстазь сят сатфкснень, конат ульсть сатфт кросса. Виндрейский средний школань сембе сяда комсомолецнень анокт гимнастический соревнованият-ненъ эса участиянь примамати. Комсомольский организациять секретарец Морозов ялгась эсь пингстонза возглавил анокла-мань работать. Этакиге жа, мзяра лувозь синь газетаста программать гимнастический соревнованиятненъ колга, пу-тозь тя кизефксть комсомоль-ский собраниясь, коса лихтеть конкретнай решения анокла-мань работать ушедоманц кол-га. Тяда меле пуроптеть ко-мандат, конатненди командиркс

кемокстафтольхть инь лучшей, дисциплинированной комсомо-лецнень. Комсомолецта башка соревнованияснень тя школаста кармай участвондама 20 аф союзнай од ломань. Сембе коман-датне ётазь ни программать и цебарьста содасазь упражне-ниятненъ.

Тяфтама жа оцю работа ётафть соревнованиятненди Ма-лышевский аф полнай средний школань комсомольский орга-низациясь (секретарсь Козеев ялгась). Занятияда сембоц командатне ётафтьсат кемонь. Ня занятиятненъ эса тонадозь программаса азф упражненият-ненъ.

Тренировочнай занятиятненъ ётафтомаснень пингста дисци-плинированностьнень образец няфтьсат Усинская ялгать стир-нянь командац и Стешков ял-гать юношань командац (Тор-беевский средний школаста).

Соревнованиянь васенце шиста арьсетама примамс 200 комсомо-лецов ширде норматненъ. Сем-боц соревнованиятненъ пингста приматама тэжяньшка комсо-молецонь эзда.

Степашкин,

ВЛКСМ-нь Торбеевский рай-комть секретарец.

Соревнованиятненди анокт

Школаста лыжной комсомоль-ский кроссь цебарьста ётаф-томанц инкса комсомолецт Ку-банцев ялгать, кода цебарь физкультурнай руководителень, дирекциясь казезе ярмакса ко-вонь зарплатань суммаса. Ся-дот замечательнай спортсмен.

—Школаньконь особенностен-за минь стапт,—аноклатама медицинский работник,—кор-тай Кубанцев ялгась,—пока синь работайхть мирнай обста-новкаса, а сай пинге—военнай-са.

Школав эрь кизоня сашен-дыхть од ломатть. Кубанцев ялгась аф лама пингста тиен-ди эздот бодрый, стройнай физкультурникт.

Изумительнай красотаца и мастерстваса стирнянь комсо-мольский командань члеттне Кубанцев ялгать руководстванц ала тиендесъ гимнастический упражнениятненъ, конат необ-ходимайхть ГТО-нь комплексти нормань максомаса.

Тяни гимнастический сорев-нованиятненъ эса участиянди аноклай и анокласъ 300 лама ученик.

Тяниень шити ашесъ иляд школаса фкявок физически шумбра ученик физкультурать эзда ширеса. Тейст сембонди спортсь арасъ жизненна необ-ходимайкс.

М. Сайгин.

Саранск ош.

КОДА УЛИ ЙОТАФТФ ВАСЕНЦЕ ШИСЬ

Гимнастический соревновани-ятненъ организованнайста ётаф-томаснень инкса ВЛКСМ-нь Ру-заевский горрайкомсь наметил график, мзяра должен высту-пить соревнованияснень тя или тона комсомольский организа-циясь. Комсомольский организа-циятне тя графикть содасазь ни.

Соревнованиянь васенце ши-ста поддихть сят комсомоль-ский организациятне, конат образцовайста мольтфть анок-ламань работа. Тяфтамкс минь, Рузаевка ошса, лувондовхть кота комсомольский организа-цият, конат ётазь ни програм-маса азф упражнениятненъ. 37-це № средний школаса (ком-сомольский организациянь сек-ретарсь Шущканов) комсомо-лецта 85, сембе синь тонадозь анокламань работать пингста программаса азф упражнени-ятненъ.

38-це № средний школань организациясь (секретарсь Баш-макова ялгась) комсомолецта 78, сембе синь примайхть учас-тия соревнованияснень. Аф карма-тама учендома сроткь ётаманц, а кода можна нюрхкяне пинг-ста и образцовайста ётафтомс-тя ответственной мероприяти-ять. Школьный организацияда башка соревнованиянь васенце шиста выступят железнодоро-жной училищань, Пищепро-дуктань, головной буфетонь и аптекань комсомольский орга-низациятне. Азф комсомольский организациятне анокламань пингста няфтьсат дисциплиниро-ванностьнень пример.

Ваномок анокламань рабо-тать лангс, можна азоме, што Рузаевка ошень комсомольский организациясь гимнастический соревнованиятненъ ётафтьснень кроссь коряс сяда организо-ваннайста.

Соколов,

ВЛКСМ-нь Рузаевский гор-комть секретарец.

ТОНАФНЕСАЗЬ ВОЕННОЙ ТЕВТЬ



Сире-Шайговань средний шко-ласа комсомольский организа-циясь лац шарьхкодезе тя по-ложениять, што полноценнай боецс армияти аноклашнени-нинге тылса, мирнай условия-са. А сяс сон особай мяль шарфтьсат таникиге допризыв-най подготовкать ширес. Шко-ласа работазеветь обороннай кружокне, осовиахимский ор-ганизациясь.

Сембе допризывникне анок-лайхть при улемс достойнай боецке минь социалистичес-кий родинаньконь вооруженнай виензон рядса.

ПВХО-нь, ГТО-нь и ГСО-нь кружокнень эса синь максихть ня значокненди норматненъ, штоба сёксенда модемс Якстерь Армияв сембе ширде аноклаф-ста. Ня кружокнень мархта руководит школань военрукс Притворов ялгась.

П. Резаев.

С.-Шайговский район.



Мордовский педагогический институтонь студенттне цебарьста анокласть комсомоль-ский гимнастический соревнованиятненди.



СНИМКАСА: Студенткатне тренировочнай занятиясот. Кержи ширде види шири: Касаткинась тии равновесия бумть лангса, Осипова Мариясь—тии упражнения турник лангса, Вершинина Мариясь—брусьятненъ лангса.

Фотось Касьяновть.

48 ЗАЯВКА

Минь райкомозонк эрь ши-
ня сашендыхть первичнай ком-
сомольский организациятнень
эзда заявкат гимнастический
соревнованияса участво-
вандамат колга. Тячиень ши-
ти самс получаф заявкат 48
командань эзда, конат этазь
ни программаса азф упражне-
ниятнень. Тяфта Богдановский
комсомольский организацияса
пуроптф кафта командат, ко-
натнень сувасть сембе ком-
сомолецне. Комсомольский ор-
ганизациянь секретарь Егор-
шин ялгась няфни гимнасти-

ческий соревнованиятненьди
анокламаса пример. Сон ащи
юношань командати коман-
диркс. Тя командат членонза
этазь ни программат. Заняти-
ятне мольфетвесь организован-
найста и дисциплинированной-
ста. Тячиень пингть команда
анок примаме участия сорев-
нованиятнень эса. Сембоц
районца пуроптф коман-
дада 61, конатнень эса членке
ащи 605 комсомолец.

Луденков,
ВЛКСМ-нь С. Шайговский
райкомть секретарей.

7 КОМАНДАТ

Писарский педагогический
училищаса мольфетви анокла-
мань деятельнай работа гим-
настикас коре комсомольский
организациятнень соревнова-
ниясонды. Училищаса пуроптф
сисем командат, конатненьди
командиркс кемокстафт инь
лучшай комсомолецне. Ня
командатне этафнихть регуляр-
найста занятия соревнова-
ниянь программат коряс. Эрь
шина пилать 5 частета савомок
7 частти молеми этафневихть

занятиятне.

Юношань командатнень член-
ца вольнай движенияда баш-
ка тиендыхть упражненият тур-
никса, а стирьянь командат-
нень членца упражняются
бруссыса.

Соревнованиятненьди анокла-
маса оцю лезке максси комсо-
мольский организацияти физ-
культурань преподавательсь
Коршунова ялгась.

Зобин.

ВКП(б)-нь ЦК-ть и СССР-нь СНК-ть
постановлениясна действияса

Обсуждамамок ВКП(б)-нь
ЦК-ть и СССР-нь СНК-ть «Мор-
довский АССР-ть эзга сельско-
хозяйственный культуратнень
урожайностьсон и животновод-
водство продуктивностион
касфтомасон инкса колхозник-
нень трудсон инкса допол-
нительнай пандомат колга
постановлениясон», Сире-Поть-
ма велень «16-й партсезд»
колхозста колхозникне савьсть
эсь лангозост конкретнай обя-

зательстват оцю урожайнь по-
лучамат коряс. Синь обяза-
тельствасост сёрмадыхть: штоба
получаме 1941 кизоня зерно-
вой культураса урожай 100
пуд эрь гектарть лангста.

Ня обязательстватнень паш-
кодмасон коряс колхозсь сёр-
гадесе соцсоревнованияс «Як-
стерь тяште» колхозть.

Гуляйкин.

Рыбкинский район.

ГЕОГРАФИЧЕСКИЙ КРУЖОК

Порапа велень аф полнай
средней школыса организо-
вандаф географический кру-
жок, конань мархта руково-
дит географийн преподава-
тель А. Д. Фадейкин ялгась.
Аф кунара ульсь этафтф за-

нятия «Седов» ледокольт ге-
роический походонц колга. Тя
беседат ученикне кулхон-
дозь оцю мяльса.

Сергин.

Ковылкинский район.

КЛУБЬ—АГИТАЦИОННАЯ РАБОТА ЦЕНТРА

Политпросветучреждениятне
ащихть велеса пропагандист-
ко-агитационнай работати цент-
раке. Колхознай клупне, изба-
читальняне, библиотекеатне
трудящайн кели массатнень
сознанияс пачфнесазь партиять
и правительстват решенияс-
нон, приобщаюти синь ломат-
тнень культурати. Тяфтама оцю
задачат ащихть политпросвет-
учреждениятнень инголе. Рыб-
кинский районца сисем колхоз-
най клупт, 17 изба-читальня
и колма библиотекеат. Синь
ащихть оцю виикс велеса куль-
турно-просветительнай работат
вятемаса. Политпросветучреж-
дениятне укомплектованнайхть
аф калдяв кадруса.

Лама клупт и изба-читаль-
нят тяддень кизоть ламода це-
барьгофтозь населенять эткса
эсь работасон. Клупнень, из-
ба-читальнятнень работаса
арась сяда содержательнайке и
разностороннайке. Синь эсост
этафневи оцю работа агротех-
нической пропагандат коряс.
Авньцек 1941-це кизоня райо-
нонь клупнень и изба-читаль-
нятнень эса ульсь тиф агротех-
нической темас коре лекцияда
21, конатнень кулхондозь
2.000 колхозник. Лекциятнень

тиендэз агрономтне, социали-
стический паксынь передовикне—
стахановецне и ударникне.

Оцю роль кирди трудящай-
хнень коммунистический воспи-
танияса антирелигиознай рабо-
тась. Тянь шири клубонь, из-
ба-читальнянь заведующайхне
шарфнесь оцю мяль. Синь
шарьхкодезь, што тя тевса синь
рольсна пня ответственный и
важнай. Антирелигиознай те-
мас коре беседада этафтф 16.
Колхозникне ня беседатнень
мархта пня интересовандайхть.
Тянди яркай доказательствакс
ащи ся, што ня 16 беседат-
нень кулхондозь 1968 ломань.
Международнай положенять
колга докладта этафтф тяддень
кизоть 43, посетили ня док-
латтнень 4000-шка ломань.
В. И. Ленинть эрыфонц и ре-
волюционнай деятельностионц
колга докладта тифоль 6, ко-
натнень эса присутствовандась
522 ломань.

Художественнай литерату-
рань читкаса фатяф 3000 ло-
мань.

Велень интеллигенциясь тар-
гаф клубса активнай работати.
Учительхнень оцю лезкесон
вельде ульсь путф кафеа по-
становкат, организовадафт раз-

личнай кружокт, нолневихть
стенной газетат.

Тяниень пингть политпрос-
ветучреждениятнень инголе
ащи оцю задача—азовдомс
эрь трудящайтн Вsesоюзнай
XVIII-це партийнай конферен-
циять решениязон и СССР-нь
Верховнай Советть VIII-це се-
ссиянц материалонзон. Именна
тянь мархта тяниень пингть дол-
жетт занимадондавшиме клуп-
не, изба-читальнятне. Клуп-
нень эса март ковста тифоль
17 доклад ВКП(б)-нь XVIII-це
конференциять решениязон
колга. Ня докладтнень кулх-
ондозь 900 лама колхозник.
Тяда башка ульсь организо-
вандафт коллективный читкат
конференциять материалонзон
коряс.

Лама клупт, изба-читальнят
тяддень кизоть ламода цебарь-
гофтозь эсь работасон. Алла-
гулова велеса клубонь заведую-
щайсь Сюбаев ялгась сембе
эсь работанц этафнесы планц
коре. Кочкаф клубти совет, ко-
за сувси велень интеллиген-
циясь—учительхне, медицин-
ский работникне. Мекольдэнь
колма кофнень пивгста этафтф
колма лекцият агротехника
коряс, кота докладт междува-
роднай положенить колга.
Клубса аф калдявста рабо-

тайхть самодетельнай и обо-
роннай кружокне. Колхозник-
нень эзда организовадаф ви-
товкат и противогазть томаф-
немаса кружокт. Организова-
даф справочнай стол, коса мож-
на получаме любовай кизефк-
си ответ.

Аф калдяв примерхт няфни
работасонза Уст-Рахмановка ве-
лень клубть заведующай, ком-
сомольсая Акчурина ялгась.
Тяса аф шуроста тиендехить
различвай темас коре лекцият,
доклатт, беседат. Тя тевти тар-
гаф велень интеллигенциясь.
Цебарьста мольфетви самодет-
ельнай работас. Пуфтольхть
ниле постановкат конатнень
луккса «Васса Железнова»,
«Жена по паспорту» и лият.
Оцю работа этафневи колхоз-
най од ломаттнень военнай
воспитаниясон коряс. Пу-
роптф военно-учебнай группа
Осавиахимовь Центральной
Советть 115 часовой програм-
манц коряс, аноклавихть обо-
роннай значкист. Тя этафтф
работати арась результатокс
ся, што 22 колхозник аноклаф
ВВХО-нь значкистокс.

Рядок клупнень работаса
положительнай примерхнень
мархта тя тевса улихть оцю
аф сатыкст. Нинге лама изба-
читальнява и клубса сатомшка

работа аш, конат ба пашкоть-
кшнелесе колхозникнень оцю
культурнай запроссон.

Эрви азоме, што кой-ко-
на велеса политпросветучреж-
дениятнень работаса комсомоль-
сый организациятне аф макс-
сихть сатомшка лезкс. Нинге
садонга калдяв ся, што тя
областьса работай комсомолец-
не не оправдываюти теист по-
рученнай тевть. Тяфтама по-
ложениас Од Толковка велеса,
коса клубонь заведующайкс
работай Барашкин комсомо-
лецсь. Тячиень шити самс
апак кочкак клубонь совет,
газетань лувондома колхоз-
никнень мархта аф тиендэви.

Тяниень пингть задачась
ащи саянь эса, штоба пачфтемс
эрь трудящайтн сознанияс
ВКП(б)-нь XVIII-це конферен-
циять решениязон. Тиемс ста-
не, штоба эрь колхозниксь
тундань видемань любовай
пингть мог ба лувомс газета,
мумс тейнза эрвяикс литерату-
ра. И тя тевса оцю лезкс клуп-
неньди и изба-читальнятненьди
обязатт макссеме комсомоль-
ский организациятне.

И. Белов.



Апрельть 1-це шистонза Кремляса РСФСР-нь Верховнай Советть заседаниянь залса пан-
жевсь РСФСР-нь Верховнай Советть нилесе сессиянц.
СНИМКАСА: Заседаниянь залса.

Фотось Ф. Кисловть (ТАСС).

РСФСР-нь ВАСЕНЦЕ СОЗЫВОНЬ ВЕРХОВНОЙ СОВЕТЬ IV СЕССИЯНЦ

Апрельть 3-це шистонза шоб-
дава РСФСР-нь Верховнай Со-
ветть председателенц замести-
теленц депутатт П. С. Мака-
роват председателстванц ала
эбась РСФСР-нь 1-це Созывонь
Верховнай Советть IV сессиянц
нилесе заседаниянц. Мольсть
преният РСФСР-ть 1941 ки-
зонди государственнай бюд-
жетонц колга РСФСР-нь фи-
нансонь Народнай Комиссарть
А. А. Посконов ялгать докла-
донц коряс.

Депутаттне одинадушна одо-
брали сессияти кемокстамс
максф бюджетть.

Апак использовандак резер-
ватнень колга корхтасть эсь
выступлениясонза РСФСР-нь
мясной и молочной промышлен-
ностень Народнай Комиссарсь
В. В. Воробьев ялгась. Нар-
коматонь предприятиятнень эса
нинге пня оцюфт простойхне
и аф производительнай рас-
хоттне. Пня лама ценнай от-
ход использовандави пня каль-
дывста. РСФСР-нь торговлянь
Народнай Комиссарсь депутатсь
Д. В. Павлов азозе, што тор-
говлянь Народнай Комисса-
риатсь нинге ашесе обеспечен-
да торговой организациятнень

эса юмафкснень, растрататнень
и салсематнень машфтомасон.
1940 кизоня торговой органи-
зациятнень эса юмафкста ульсь
140 миллион палковай.

РСФСР-нь финансонь Наро-
днай Комиссариатть и сонь мес-
тной органонзон работаса аф
сатыкснень колга корхтасть
эсь выступлениясост депутаттне
А. М. Буеверов и К. П. Арда-
шев. Депутатсь Буеверов азон-
досе сессияти саянь, што тя
пингс стаки действовай 1926
кизоня положениас местнай
финанснень колга. Сон кунара
ни сиредсь, юмафтозе фсякай
практический смысланц и ань-
цек сталгофнесы местнай фи-
нансовай оргаттнень работас-
нон.

Депутатсь Ардашев корхтасть
саянь колга, што аф удовлет-
ворительна ладаф налогонь
кочкамась ошнень эса кустарь-
хнень и ремесленникнень кадъ-
ста.

Народнай хозяйстват раз-
витиянцты и социально-куль-
турнай мероприятиянди кизо-
да кизос касы ассигнованиятне
обеспечиндакшнесазь советский
интеллигенциянь кадратнень
вишкста касомасон. Тульсый

облсоветть исполкомонц пред-
седателец Н. И. Чимутонь ял-
гась азозе, што область-
са тяни лувондови тежянь-
да лама врач, 13 тежяньда
лама учитель, 1700 агроном,
зоотехник, ветеринарнай врач,
землеустроитель, тежяты ин-
женер, техник, конструктор.

Мичуринскийса оцю науч-
най работат колга корхтасть
депутатсь С. Ф. Черненко.
Ошсь арась подлиннай цент-
ракс научнай плододствати.
Тяса успешна работай централь-
най генетический лаборатори-
ясь, конань основандазе Ми-
чурин, плододствань научно-
исследовательский институтсь,
Мичуринонь лемса плододство-
най вузсь, плододствовай техни-
кумсь и лият.

Апрельть 3-це шистонза сес-
сиять заседаниясонза тифта жа
корхтасть депутаттне И. Л.
Иволгин, Г. И. Поляков, П. Н.
Аганичев, И. И. Соколов,
РСФСР-нь социальный обеспе-
чениянь Народнай Комиссарсь
А. П. Гришаконь, РСФСР-нь
пищевой промышленностинь
Народнай Комиссарсь С. Д.
Романовичев.

(ТАСС).

Школьный эрэф



ВАЛСНОН КИРДЬСАЗЬ

Саранск ошнь 9-це № мордовский средний школань преподавательский коллектив и ученикне, сувамок XVIII-це Всесоюзной партийной конференция лемса социалистический соревнованияти, эсь инголест путнесть почетнай задача—тонафнема кизоть колмоце четвертени аделаме отличнайста. Тяни дисциплинась школаса и абсолютнай успеваемость составляет 92,4 процент.

Колмоце четвертть эзда 2-це четвертть коряс ламода сяда кассь 100 процентнай успеваемость мархта классень лувксена. Тяфтамкс лувондовихть 1-це, 2-це, 4-це, 5-це, 7-це мокшанский, 1-це эрзянский классы.

Тя четвертенья кассь комсомолень и пионерхнень успеваемостьна. Синь средний процентна общешкольной успеваемость коряс оцю 2 процента.

Школань преподавательне и ученикне тонафнема кизоть завершающей четвертени эзда сембе вииснон мобилизовандэз учебно-программной планть 100 проценте пашкодеманц инкса, тонафнема кизоть второгднифтома аделаманц инкса. Нат мероприятияне школаса этафневихть социалистический соревнованиянть знамать ала, конань вельде школась 4-це четвертть эзда каскыс поколениать коммунистический воспитаниянть тевса саты нинге сядонга пебарь результат.

Дм. Родин.

Тефнень вастс пефтема решеният

Маленков ялгась ВКП(б)-нь 18-це конференциясь эсь докладсонза, корхтамок собственнай решениятнень пашкодемаснон колга, азозе, што кой-кона организациятне лихнихть решеният анык решениятнень инкса, а синь эрэф этафтомаснон колга эфси афи арьсихть. Именна тяфта аш тевс решениятнень пашкодемаса Каньгуш велень средний школаста комсомольский организацият эса. Вов, кепотьксонди сяваскы успеваемость и колхозти лезксонь максомать колга кизефксень. Синь колгаст комсомольский организациясь лихнесь решеният, коса улихть пункт ялтань лезкеть, опытонь распространеният, родительхнень мархта работат, местнай удобрениянть кочкамать, стенгазетань нолдамать колга и ставтов. Лихтеть решеният и арьсест, што тянь мархта аделазь ни сембе тевснон. Тя пняк аф виде.

Тяфта жа аш тевс колхозти лезксонь максомать мархтонга. Фявонк комсомолец нинге ашезь кярмьоткшне местнай удобрениянть кочкамать, стенгазета фявонк номер ашесть нолда.

Л. Икомасов.
Ельниковский район.

Пионерский сборса

Сборсь ушедсь 6 частса. Тиеток кой-мзара маршевай круг, пионерхне и пионеркатне строявсть линейкас. Вожатайсь Семенова ялгась макссь рапорт.

Тя сборсь посвященная испытаниятненьди анокламать колга.

— Шабат, — корхтай Семенова ялгась, — курок ушедыхть испытаниятне, а минь школасонк улихть нинге лама пионерхт калдяв отметка мархта. Минь задачаньке—машфтомс ня калдяв отметкатнень и максомс испытаниятнень цебарьста и отличнайста.

Пионерхне оцю мялса кулхпондозь эсь вожатайснон и тоса кармасть синь корхтаматя кизефкеть колга. Васенце валть сявонс отрядонь советть председателец Исаева ялгась.

— Калдявста тонафнесть минь отрядсонк Верась и Вальс, но минь келесонк сявоме эсь лангзонк обязательства максоме лезкс, штоба синь испытаниятнень самс машфтолезь эсь калдяв отметкаснон. Тянка плиткшнесть синь урокта меле и этафневсть мархтоз занятият ся дисциплинась, конатнень коряс синь плиткш-

несть фталу. Ня ялгатнень тяни аш калдяв отметкасна, но вов мекольце шитнень содаск, што минь отрядстонк нинге колма пионерхт получать калдяв отметкат, конатнень мархта тяфта жа ушеттама дополнительна занимандакшнема.

Сборса ульсть кулхпонтф калдявста тонафни пионерхне. Оказывається, кой-конат аф тонафнесазь этаф материалть и пняк кржа работайхть урокнень тонафнемаснон лангса кудса.

Йотаф материалть повторениянц инкса и практический лезксонь максомать инкса пионерхне тяка жа сборсост организовавдась группа, конатненьди старшайкс кемоктазь инь цебарьста тонафни пионерхнень и ня группатне тяка жа сборса максеть вал испытаниятнень самс аф кадомс фявонк калдяв отметка и фявонк пионер и лия ученик афоль ляд второгднйкокс.

Михайлов.

«Дубитель» заводонь средний школас.

МЕЗЕ АШЕЛЬ ИНГОЛЕ

Лама пинге М. Пашадонь средний школань пионерский организациясь ашезь этафнев кодамовок работа. Пионерский организациясь лувондовсь анык кагод лангса, формальна.

Мекольдень пингть школьной комсомольский организациясь шарфть оцю мяль пионерработат ширес. Кемоктазе фя инь лучшей членонц Цибизова Мотять вожатайкс, конац комсомольский организа-

цият лезксонц вельде живогфтозе пионерский организациясь сембе работат. Организовандась пионерхнень мархта хорововой, физкультурнай кружокт.

Школань директорсь пионерский организацияти сёрматфсь «Пионерская правда» газета и идень лама журналхт.

В. Кирдяжкин.

Пурдошанский район.

ПИОНЕРСКИЙ РАБОТАТЬ КОЛГА

Сире Исса Прянь средний школань комсомольский организациясь шарфни оцю мяль пионерхнень эткса работат шире. Тяса организовадфть 5 пионерский отрядт, конатнень мархта регулярнайста этафневихть пионерский сборхт. Сембе отрядга нолневихть стенной газетат и эрь отрядть ули краснай уголокот.

Тяда башка пионерхне

тиендихть постановкат. Аф кунара ульсь постановка «Хитрый Петрушка».

Комсомольский организациясь Шанкина, Воронкова, Сандина и Тимошкина комсомолкатнень кемоктазень пионервожатайкс, конат лац пшкотькшнесазь синдейст порученнай тевть.

Москалев.

Инсарский район.

ПИОНЕРХНЕ СЪОРМАДЫХТЬ

Од Шямонень начальнай школаса пионерда лувондови аф кржа, но вов этни ни тонафнема кизось, а синь этксост нинге работась апак ушетт.

Виде, тяса сембе пионерхне явфть 3 отрядга, но нят отрядтне мянь тачиме ашхть руководстватома, синь аш вожаксна.

Пионерхне надияхть, што синь организациясост тяфтам бездеятельности ВЛКСМ-нь Ковылкинский райкомсхь путыпе.

Н. Игошев.

Ковылкинский район.

Пионерский работась эфси аф почетса Од Выселка велень

средний школасовок. Тяса пионерхнень эткса ковга аф кондисти работат отряднай вожатайхне веляфнесазь пионерхнень лангс. Корхтамок, мол пионерхнень аш мялсна сашендомс отряднай сборхненьди. Конешна тя аф виде.

Практикась няфтезе, што пионерхне и пионеркатне пняк активнайста пуромихть сбору, огромнай желаниаса кулхпондозь сонь эсонза интереснай темас тиф беседать. И меклангт, синь аф сайхть сясборти, конань эса дисциплинада башка мезевонк аф эрйя. Точнай тяфтама положениясь школань сембе отрядтнень эса.

Н. Учаев.

Зубово-Полянский район.

Занятиятне мольфтевихть эрь шиня

Зубово-Полянский районь Од Выселкань средний школань комсомольский организациясь анон гимнастический соревнованиятнень достойнайста васьфтемаснонды. Тяса 9 командат лисихть соревнованиянть васенце шиста и няфтьсазь этаф работань результатснон. Командатненьди командиркс кемоктафт инь цебарь комсомолецне, конат синь аф калдявста овладавають физкультурать мархта. Кодак анык лиссь свете гимнастический соревнованиятнень колга программась, командатне кармасть цебарьста аноклама, этафнесть эрь шиня тренировочнай занятият.

Комсомольский организацияти оцю лезкс максессь физкультурань преподавательсь. Сон васенда тонафтозень синцень командирхнень сят упражнениатнень пшкодема, конат азфт программаса. Тя работась арась важнейшай условиясь соревнованиятненьди успешнайста анокламаса. Аш сомнения, што тя комсомольский организациясь няфти отличнай результатня соревнованиятнень эса.

Шиндин.

Педработаса 16 кизот

Нина Сергеевна Смирновась педагогический работаса работай 16-це кизось. Тяниень пингть работай Глушковский средний школаса (Кадошкинский район) биологиянть преподавателькс. Кельгомек эсь тевонц, сон путнесь сембе виинц синь инкса, штоба максемс иттненьди прочнай знаният. Нина Сергеевнась, ашмокс 10-це класса класснай руководителницакс, этай тонафнема кизоть сатсь 100 процентнай успеваемость. И тяддень кизотьке сатсь успеваемость касфтомаса аф калдяв показателхть.

Тянь сатнесь сон ученикнень и синь родительснон мархта кропотливый работат вятманц вельде.

В. Лобанов.

Митясь отличник

Ефимкин Митясь тонафни Каньгушский средний школаса системце класса. Сон, аделамок 1940—41-це тонафнема кизоть васенце полугодиянц отличнайста и цебарьста тонафнезь, сявондсь эсь лангзонза обязательства—кемоктамс ня сатфксень и колмоце четвертста, тонафнемс анык отличнай оценка мархта. Тя обязательстванц Митясь пшкездезе честь мархта—аделазе тонафнема кизоть колмоце четвертени анык отличнай оценка мархта. Тяниень пингть кярмодсь испытаниятненьди анокламаты.

Трошин.

Ельниковский район.



Аделавсь Краснознаменный Балтийский Флотонь краснофлотский XIII олимпиадань васенце турсь.

СНИМКАСА: Олимпиадань участниксь Советский Союзонь Геройсь капитанць А.И. Нефедовсь исполняет «Гопакть». Фотоць М. Редкинть (ТАСС).

ОТЛИЧНАЙСТА ТОНАФНЕМАТЬ ИНКСА

Од Выселкань средний школань кемонце классонь ученикне колмоце четвертста социалистический соревнованият вельде тонафнемань тевса, сознательнай дисциплинась кемоктамаса сатсь аф калдяв результатт. Тя классонь ученикне—Тапильников Ванясь, Куликовсь и лият тонафнихть анык отличнайста, примосихть активнай участия школат общественнай эрэфонц эса. Куликовсь работай школьной стенгазетаса редакторкс. Тя порученият сон дяшкотькшнесь честь мархта.

Класснай руководителницась Луконина ялгась цебарьста ладязе ученикнень родительснон мархта работат, конат максессь пняк оцю лезкс успеваемость и посещаемость касфтомаса.

В. Общев.

Зубово-Полянский район.

Анык валхт

Аф кунара Вирь Сазанонь комсомолецне эсь собранисост ульсть кеярьфтьф колхозонь председателть Дудочкинть волнующай реченц мархта. Пяле част, ато сяда лама, корхтась сон анык синь колга, кодама оцю значения кирди велеса избачитальнясь или краснай уголоксь.

— Дудочкин ялгась, вдь тон тяфтам валда азонкшнеть пняк лама, пшкядеть тейнза комсомолецне, но мес бди тевса тиендят лия! Аф читальня, аф краснай уголок колхозса аш. Од ломаттне этафнесазь эсь пингснон коса повсь.

«— Анык давайте заведующай, вандыкге муян помещения», — мольфтезе председателсь корхтаманц.

Комсомольский собраниясь кемоктасть краснай уголокти заведующай. Но помещения Дудочкин ялгась тачиме ашезь макс.

Сараев.

Рыбинский район.

ИДЕНЬ ЛИТЕРАТУРАТЬ КОЛГА СОВЕЩАНИЯ

ВЛКСМ-нь Мордовский обкомсь и писателень правлениясь апрельть 3-це шистонза ётаф-теть совещания идень мордовский литературать колга.

Идень мокшень литературать развитиянь колга доклад тись поэтсь А. Карасев. Идень эрзянь литературать развитиянь колга доклад тись поэтсь Кономанин.

Синь эсь докладаст корх-тасть, што мекольден кизот-нень идень мордовский литера-турась тись оцю аськолкс ин-голи. Лисеть иттенди аф кал-дяв лама произведений, кода Пинясовть, Юргайть, Кирил-ловть и лиятнень. Така пингть

азозь, што мордовский писа-тельхне и поэтне аф паш-коткшнесазь иттенъ касыкс запроссон. Идень мокшень и эрзянь литературась ляткш-нихть нинге отсталай участ-как мордовский литератураса.

Писательхне и поэтне эсь выступленияст критикован-дазь идень журналхненъ рабо-тасон, конат мянь танимс ашезь сяз ведущай рольть идень цебарь произведенийъ созданиясь. Совещаниясь арь-сеф кода работамс, штоба мак-сомс иттенди цебарь произ-веденияй и тия мархта нинге сада козякофтомс мордовский литературать.

Аш работа комсомолецнень ётка

Сузгяргонь комсомольский организациясь кодамовок рабо-та аф вяти. Комсомольский ор-ганизациять секретарец Кочка-лов ялгась аф заботендай ор-ганизациять касоманц инкса. Колхозса улихть аф союзнай од ломатъ, конат работасот няфнихть аф калдяв резуль-татт. Кочкалов ялгась стане жа аф аккуратнайста кочке-сыне членский взношенъ. Ла-ма комсомолец ашесть панда взност 3—4 ковокса. Рабо-танъ планть коряс организа-циясь намечандафт ётафтомс 3 собрания ковти, но эсь пинг-стост вестеньге ашесть йотафнев. Сонц Кочкаловсь сашенды соб-ранияс опоздания мархта. Кол-

хозса лама комсомолец рабо-тайхть цебарьста, тиендихть ламонь трудошит, пашкоткш-несазь бригадирхненъ поруче-ниясон и стак тов. Улихть комсомолец-учительхть, конат работасот сатсь цебарь ре-зультатт, но комсомольский ор-ганизациясь синь аф содасыне. Маласа ни тунданъ видемасть. Тя кампаниясь комсомольс дол-жен активнай участия при-мамс, но работа тиянь коряс пока аф витеви. Кочкалов ялгати эрзяи кярмодемс ком-сомольский организациять рабо-танц цебарьгофтоманцы.

Комсомолка.
Рузаевский район.

КОРХТАМАДА ЛАМА, А ТЕВ АШ

Комсомольский организаци-ятненди пик важнай задачкас ащи аф грамотность и мало-грамотность машфтоманц ко-ряс работать эса участиянъ примамась, но тя задачка аф пашкоткшнесы Атюрьевский средний школанъ комсомольс-кий организациясь. Сон аф грамотность и малограмот-ность машфтоманц колга ки-зефксть аф весть путнезе соб-раиясовок. Кой-кона комсомо-лецне ульсть выделеннайхть

культурмеепокс, но синь мель-гаст контрольть аф улеманц сюнеда работамода лоткасть. А эрзяи азомс, што Атюрьева-са лувондови 500-шка аф гра-мотнай. Тяста няеви, кодама оцю лезкс могли ба максомс народной образованиянъ оргат-тненди комсомолецне.

ВЛКСМ-нь комитетти эрзяи-сада кржане шумовдаме, бол-тадаме, а кярмодемс тевти.

К. Черакшев.

КИНО

„ВАЛЕРИЙ ЧКАЛОВ“

Саранск ошнь «Комсомолец» кинотеатраса апрель ковть кол-моце шистонза сявомок кармась демонстрироваться «Валерий Чкалов» од художественнай кинофильмась. Фильмась няфне-сы современностень великий летчикъ Валерий Чкаловъ эряфонц, няфнесы кода кассь простой советский ломанть эд-да социалистический родинанъ гордай сокол, кона эсь мужест-васонза синнезень инголенза ащи сембе трудностнень, пре-пятствиятнень, такоргофтомок ки победатнень сатомасонды.

Эрительсь васенцеда знако-мондай филмаса Валерий Чка-ловъ мархта, мзярда сон ащи гауптвахтаса воздуха зараван-даманц инкса. И нинге ламоксть улэндеть тя мархтонза, мзяр-да сон нарушандакшнесень пи-лотаженъ правилатнень. Сембе-нят «грехонзон» инкса сон кан-несь наказания. Тя ульсь

ся пингста, мзярда сон ульсь од летчикокс, мзярда сонъ личност-тец педа-пес ашезь формиро-ванда.

Постепеннайста тиендеви эсонза душевной перелом. Лет-чиксь, кона аф весть ашезь гауптвахтаса аф дисциплини-рованность инкса, тияи паш-коткшнесыне командованиять ответственный заданиязон и пашкоткшнесыне синь блестя-щайста. Сада тов филмась няф-несы, кода сон, кельгомок лет-най тевть, макссесы сембе виинц санди, штоба совершенстваса содамс лиендеманъ искусствать. Вов сон летчик—испытатель. Озамок машинав, тиенди воз-духса чудесат, конат нинге алак нянетельхть.

Авиациянь шись. Аэродромсь пашкес ломаньда. Вов мельне-лихть кафта самолетт—тя Чка-ловсь и Байдуковсь, конат ти-ендихть сложнай фигурат. Сем-

бе восторгсот, ваныхть удив-ления мархта Валерий Чка-ловъ ланге. Тяс жа внима-тельнойста ваныхть воздуха сложнай операциятнень ланге И. В. Сталин и Орджоникидзе ялгатне. Самолетть шассенц синневсь. Оцю напряжения ти-ендеви публикаса. Сембе учихть Чкаловъ парашюта комоте-манц. Но аф тяфта тиевсь. Смелай летчиксь сембе сяка демонстрировандась летнай искусствать цебарьста сода-манц, эсь смелостени и валх-тозе машинатъ целайста.

Особенна замечательнайста няфтьф Чкаловъ апак учент васедеман Сталин ялгать марх-та. Чкаловсь аф содасы мезе корхтамс. И еов сонъ пилезон-за пашкоткшнихть великий Сталинъ ломанть колга исклю-чительнай заботанъ валонза:—Куломась стака, но аф стане трудна, Чкалов ялгась! А вов минь стама ломатнень инкса, конат ёрайхть эрямс,—эрямс кода можна сада ламос, тюремс и сяськондемс...—А уже кда

рисковать, то аныкек эста, мзяр-да эсь инголет няят оцю, ве-ликая цель. Тяфта ли?

Сталин ялгать мархта васе-демась кирдсь фию роль Чка-ловъ личностенц формирования, лездсь Чкаловти няемс эсь инголенза оцю, великая цель. И тя цельть инкса сон кармась тюрема сембе эсь эряфонц пингста, кармась лиякс ван-ома эряфть ланге. Тейнза тияи-инь кельговикс арасть «Мон-военнай летчиканъ», «тапамс-врагть» валхне. Сталин ялгать валонза ломанть эряфонъ пит-ненц колга воодушевили сонъ нинге сада славнай и оцю по-бедатненди.

Фильмать оцю идейно-воспи-тательнай значенияц. Няемок сонъ, эрь советский од ломанть мялец улемс Чкаловъ лаца бесстрашнайкс, смелайкс и му-жественнайкс.

Тяфтамот качестванза дол-жетт улемс минь эздонк каж-найть.

Ильин.

АНГЛО-ГЕРМАНСКИЙ ВОЙНАСЬ
СНИМКАСА: Мощнай зенитнай орудиятне Лондонть окраинаса.

Фотось ТАСС-ть.

США-са германский и итальянский суднатнень фатямасон колга

Кода пачфнесы Ассошиэтед Пресс агентствась, 69 итальян-ский, германский и датский суднатнень фатямдот меле США-нь официальный кружнень эса нинге аф содасазь мезе тии синь мархтост США-ть правительстват. Однако арьсихть, што правительствась примай специальнай решения синь кон-фискациясон колга.

Вашингтонца германский по-сольствась печатлазе протес-тонъ васенце нотать текстонц, конанъ Германиясь азозе Аме-риканъ Соединеннай Штаттнен-ди кафта германский суднат-нень фатямасон каршес. Но-татъ эса корхтави Германиять ся праванзон явнайста нару-шениясон колга, конат максфт тейнза Германиять и США-ть ёткас уликс дружбанъ и тор-говлянь колга договорть эса, кона тиф 1923 кизонъ декабрь 8-це шистонза, а тяфта жа эсонза требования германский суднатнень и синь командас-нон холдамасон колга.

Агентствать сообщениянц ко-рас, Германиясь омбоцеда кучсь США-ть правительстванцы протес-тонъ нота.

Итальянский посольствась тяфта жа омбоцеда кучсь аме-риканский правительствати 28 итальянский суднатнень фатя-масон каршес протес-тонъ но-та.

(ТАСС).

ЕВРОПАСА И АФРИКАСА ВОЙНАСЬ

(Апрельть 3-це шинц инкса военной действиятнень дневниксна)

Апрельть 3-це шинц карша-веть германский самолеттне бомбардировандазь портовай и промышленнай сооруженият-нень Южнай Англиясь и Шот-ландиясь. Разведывательнай самолеттне вайфть кафта ан-глийский парохотт и 6 лия-торговой суднатненди тифт оцю повреждениат.

Английский самолеттне ап-рельть 2-це шистонза тисть на-падения германский вооружен-най торговой парохоттнень ланге Голландиять побережьянц маласа.

Албаниясь фронттнень эса-мольсь артиллерияста ляценде-ма. Греческий войскактне цент-ральной фронтса машфть итальянский альпийский войс-канъ батальон.

СИРИЯСА ПОЛОЖЕНИЯСЬ

«Нью-Йорк таймс» американ-ский газетась пачфнесы, што хотя Сирияса национальност-тнень демонстрациясна кирен-дихть, однака странатъ эса вишкомф недовольствась стаки касонды. Военнай трибуналх-не эрь шиня ванондыхть де-монстрациянь участникомъ тефт, судендакшнемок синь эздост

Эритреяса итальянский частъ-тне странатъ столицанц Асма-ратъ эвакуациядонза меле по-тайхть юг шири. Англичаттне-мольфтихть наступления Мас-сауатъ ланге (Краснай моряса-порт).

Кода пачфнесы Рейтер аге-нтствась, английский военнай командованиять представителец азозе, што Массауатъ сявомак-можно учендомс любой пингс-та, сяс мес италянецне аф-тярафнихть италянецне аф-морской базатъ.

Абиссинияса английский войс-катне молихть странатъ цент-ральной частенцы. Южно-аф-риканский войскактне, конат мольфтихть наступления Аддис-Абебатъ ланге Диредауа ошть-ширде, тиянень пингть тиен-дихть сембода оцю опасность абиссинский столицати.

(ТАСС).

ВЕНГЕРСКИЙ ПРАВИТЕЛЬСТВАТЬ ОТСТАВКА

Кода пачфнесы Венгерский телеграфнай агентствась, ап-рельть 4-це шистонза шобдава венгерский иностраннай тевонъ министрть председателстванц ала ульсь министрнъ венгер-ский советть заседаниянц. Засе-даниясь ульсь примаф реше-ния правительствать коллек-тивной отставканц колга. От-ставкать колга решениясь максф Хорти регентти.

(ТАСС).

МАЦУОКА ТУСЬ РИМСТА

Стефани агентствать сооб-щениянц коряс, апрельть 3-це шистонза японский иностран-най тевонъ министрсь Мацуо-ка тусь Римста.

(ТАСС).

Ответ. редакторсь
И. ЧУДАЙКИН.